

駢體文粹

靜觀齋選錄

駢體文粹序

蓋自蒼聖造字。而中國之文化以開。厥後聖聖相承。至唐虞而文章乃大備。故孔子之贊堯曰。煥乎其有文章。然自堯舜以迄禹湯文武。所謂文者。即堯舜禹相傳之道統也。故孔子畏匡。又曰。文不在茲乎。然則孔子之所謂文。實皆道之所見端。凡載在六經者皆是也。歐陽永叔謂六經之道。簡嚴易直。而天人備。而其爲體。實亦奇偶變化。而一出於自然。非如後代之離奇詭怪。以驚世而駭俗也。由周迄漢。莫之能改。故其文樸厚淵深。如元氣之在天地。隨在發見而流露。固無所謂駢。並無所謂散也。降而爲兩晉。爲六朝。古意浸微。文體卑靡。故太白之詩曰。自從建安來。綺麗不足珍。昌黎之詩曰。齊梁及陳隋。衆作等蟬噪。學者有志文林。當可知所從事矣。然杜老之詩。又言曰。千楊萬古流。是以陳拾遺。昌黎慨然復古。一掃從前駢儷之習。而前之燕許。制作於廟堂。後之溫李。發揚乎文藻。終亦不能偏廢也。由唐以來。代有作者。散駢二體。遂有並駕齊驅。不能合併之勢。亦猶詩至李唐。古近二體。分而不合。此蓋由文運使然。而非操觚家所能自主者也。余自民國丙辰以來。濫廁講席。嘗本姚姬傳曾滌笙兩先生之意。評選散體古文三百餘首。復選蔣心餘曾賓谷二公所選駢體文若干首。爲諸生觀

摩講習。俾各深思有得。以應世用。雖古今傳作。不止於斯。然由是而學焉。或亦爲行遠登高之一助云爾。至所選諸作。濃淡清奇。驚才絕艷。讀者當自得之。不復贅述。是爲序。民國十一年初夏。蒙古世榮。

附凡例二則

一是編元明以前之文。皆選四六法海評語。皆係仍舊。惟原選分體。今所選無多。仍以原本先後爲序。故朝代不免凌亂。閱者諒之。

一清朝之文。先選袁簡齋駢體文。繼選駢體正宗。故以袁簡齋列其前。其評語亦用正宗。惟正宗所無者。余爲補評數篇。餘皆仍舊。

駢體文粹目錄

蒙古世榮編輯

沈休文梁武帝與謝朓勅

唐代宗答王綰勅

徐孝穆勸進元帝表

沈伯明經通天臺奏漢武帝表

蘇子瞻謝量移汝州表

蘇子瞻到昌化軍謝表

李義山爲崔從事寄尙書彭城公啓

呂仲悌與稽茂齊書

鮑明遠登大雷岸與妹書

徐孝穆與北齊尙書令求還書

祖鴻勳與陽休之書

孔德璋北山移文

駱賓王代徐敬業傳檄天下文

王子安秋日登洪府滕王閣餞別序

王子安秋晚入洛於畢公宅別道王宴序

劉孝標廣絕交論

庾子山周上柱國齊王憲神道碑

劉令嫻祭夫徐悱文

以上選四六法海文十八首

袁簡齋爲尹太保賀伊里溫平表

岳水軒詩序

送尹太保從兩江入關序

祭吳桓王廟文

公祭襄勤伯鄂公文

與雨林似村兩公子書

上尹制府乞病啓

御祭卞忠貞公墓紀恩碑記

重修于忠肅廟碑

餘杭諸葛武侯廟碑

以上選小倉山房駢體文十首

毛西河與秦留仙翰林書

陳其年上芝麓先生書

胡稚威遜國名臣贊序

王芥子上楊相公書

劉映榆爲勝國閻陳二公徵詩啓

吳穀人曾盱江靜香齋遺詩序

顧敏恆重修梁昭明太子祠碑文

阮芸臺重修會稽大禹陵廟碑

洪稚存傷知己賦序

重修唐太宗廟碑記

蔣清容先生冬青樹樂府序

朱文翰薈簪錄序

劉芙初祭吳季子廟文

樂蓮裳答王癡山先生書

查梅史西湖岳忠武廟合祀流芳翊忠二祠栗主記 彭甘亭周忠武公夫人劉氏廟碑

國文專修科講義

蒙古世榮評選

駢體文

梁武帝與謝朓勅

丙

沈約

吾以菲德。屬當期運。鑒與吾賢。思隆治道。而明不遠燭。所蔽者多。實寄賢能。匡其寡闇。嘗謂山林之志。上所宜弘。激貪厲薄。義等爲政。自居元首。臨對百司。雖復執文經武。各修厥職。羣才競爽。以致和美。而鎮風靜俗。變教論道。自非箕穎高人。莫膺茲寄。是用虛心側席。屬想清塵。不得不屈茲獨往。同此濡足。便望釋蘿。襲袞出野。登朝必不以湯有慚德。武未盡善。不降其身。不屈其志。使璧帛虛往。蒲輪空歸。傾首東路。望兼立表。羲軒邈矣。古今殊事。不獲總駕。崕峴依風。問道今方。復引領雲臺。虛已宣室。紆賢之愧。載結寢興。

朓字敬冲。莊之子。建武中。與何胤並徵。不至。梁武初再徵。又不至。遣王果敦譬朓。朓謀於胤。胤給曰。興王之世。安可久處。朓遂出。以此頗失衆望。然朓初爲吳興太守。頗事聚歛。至以雞卵賦人。收雞數千。使終身不出。亦不得爲高隱也。

答王縉勅

戊

唐代宗

勅卿之伯氏。天下文宗。位歷先朝。名高希代。抗行周雅。長揖楚詞。調六氣於終篇。正五音於逸韻。泉飛藻思。雲散襟情。詩家者流。時論歸美。誦於人口。久鬱文房。歌以國風。宜登樂府。斯朝之後。乙夜將觀。石室所藏。歿而不朽。柏梁之會。今也則亡。乃眷棣華。克成編錄。聲猷益茂。歎息良深。縉進表云。臣兄文詞立身行之餘力。常持堅正。秉操孤貞。縱居要劇。不忘清淨。又云。曲承天鑒。下訊遺文。魂而有知。荷寵光於幽窆。沒而不朽。成大名於聖朝。

勸進元帝表

甲

徐陵

臣聞封唐有聖。還承帝譽之家。居代維賢。終纂高皇之祚。無爲稱於革寫。至治表於垂衣。而撥亂反正。非閭前古。至如金行重作。源出東莞。炎運猶昌。枝分南頓。豈得掩顯姓於軒轅。非才子於顓頊。莫不因時多難。俱繼神宗者也。伏惟陛下。出震等於勛華。鳴謙同於且夷。握褒秉鉞。將在御天。玉勝珠衡。先彰元后。神祇所命。非惟太室之祥。圖諫斯歸。何止堯門之瑞。若夫大孝聖人之心。中庸君子之德。固以作訓生民。貽風多士。一日二日。研覽萬幾。允文允武。包羅羣藝。擬茲三大。賓是四門。歷試諸難。咸熙庶績。斯無間而稱也。自無妄爲象。鍾禍上京。梟獍虔劉。宗社蕩墜。銅頭鐵額。

興暴皇年封豨修蛇行災中國靈星所宅下武其興望紫極而行號瞻丹陵而殞慟家冤將報天
賜黃鳥之旗國害宜誅神奉玄狐之錄尅李軼於河津征陶謙於海岱滕公擁樹雄氣方嚴張繡
交兵風神彌勇忠誠貫於日月孝義感於冰霜如雷如霆非貔非虎前驅效命元惡斯殲旣挂膽
於西州方燃臍於東市蚩尤三塚甯謂嚴誅王莽千剗非云明罰青羌赤狄同界狼豺胡服夷言
咸爲京觀邦畿濟濟還見隆平宗祖愔愔方承多福自氤氲混沌之世驪連栗陸之君封起龍圖
文因鳥跡雲師火帝非無戰陣之風堯誓湯征咸用干戈之道星躔東井時破嶧潼雷震南陽初
平尋邑未有援三靈之已墜救四海之羣飛赫赫明明龔行天罰如當今之盛者也於是卿雲似
蓋晨映姚鄉甘露如珠朝垂原寢芝房感德咸出銅池萸萸伺辰無勞銀箭重以東漸玄菟西踰
白狼高柳生風扶桑銜日莫不編名屬國歸貢鴻臚荒服來賓遐邇同慶其文昭武穆跼蹐也如
彼天平地成功業也如此久應旁求掌故詢訪天官斟酌繁昌經營高邑宗王啓霸非勞武德之
侯清蹕無虞何事長安之邸揚龍旂以饗帝御鳳辰以承天歷數在躬疇咨爲讓某官等至鄴伏
承聖旨謙冲爲而不幸或云洛陽未復函谷無泥旋駕金陵方膺天眷愚謂大庭少昊非有定居
漢祖殷宗皆無恒宅登封岱嶽且署明堂巡狩荊州時行司隸何必西瞻虎踞乃建王宮南望牛

頭方稱天闕。抑又聞之玄珪。既錫蒼玉。無陳乃械。樸之愆期。非苞茅之不貢。雲和之瑟久廢。甘泉孤竹之管無聞。方澤豈不懼歟。伏願陛下。因百姓之心。振萬邦之命。豈可逡巡固讓。方示石戶之農。高謝爲君。徒弘箕山之客。未知上德之不德。惟見聖人之不仁。率土翹瞻。蒼生何望。昔蘇季張儀。違鄉負俗。尙復招三方以事趙。請六國以尊秦。況臣等顯奉皇華。親承朝命。珪璋特達。通聘河陽。貂珥雍容。尋盟漳水。加牢貶館。隨世汗隆。瞻望鄉關。誠均休戚。但輕生不造。命與時乖。忝一介之行人。同三危之遠擯。承間內殿。事絕耿弇之恩。封奏邊城。私等劉琨之哭。

侯景之亂。元帝擁重兵。居上流。坐視不救。且盡除弟姪之礙手者。幸父兄顛沛。以爲稱帝地。史謂不急莽卓之誅。先行兄弟之戮。此真千古罪人也。當時梁之臣子。舍元帝無可戴。故勸進歸焉。沈炯表中。用吳楚管蔡。大是曲筆。孝穆此篇大可味。○元帝時戀江陵。不肯詣建業。此表大庭以下。特爲之解。

質文不掩情韻。雙兼遒勁。讓開府而典則勝。子安矣。

經通天臺奏漢武帝表

丙

沈炯

臣聞橋山雖掩。鼎湖之竈可祠。有魯遂荒。大庭之跡無泯。伏惟陛下。降德猗蘭。纂靈豐谷。漢道旣

登神仙可望。射之。罌於海浦。禮日觀而稱功。橫中流於汾河。指柏梁而高宴。何其甚樂。豈不然歟。既而運屬上仙。道窮晏駕。甲帳珠簾。一朝零落。茂陵玉盃。宛出人間。凌雲故基。共原田而臨。臨別風餘趾。帶陵阜而茫茫。羈旅縲臣。能不落淚。昔承明既厭。嚴助東歸。駟馬可乘。長卿西反。恭聞故實。竊有愚心。黍稷非馨。敢望徽福。但雀臺之弔。空愴魏君。雍邱之祠。未光夏后。瞻仰煙霞。伏增悽戀。

三輔黃圖曰。武帝元封二年。作甘泉通天臺。去地百餘丈。以候天神。元鳳間。自毀。○炯字初明。荊州陷。爲西魏所虜。以母老在東。恒思歸國。恐以文見留。有所作輒秘不傳。嘗獨行經漢武通天臺。爲表奏之。陳己思歸之意。其夜夢有宮禁之所。兵衛甚嚴。便以情事陳。訴聞有人言。甚不惜放卿還。幾時可至。少日果與王克等竝獲東歸。庾信王褒惜而不遣。詞格高迥。六朝體製。固自高於唐賢。

謝量移汝州表

癸

蘇軾

稍從內遷。示不終棄。罪已甘於萬死。恩實出於再生。祇服訓辭。惟知感涕。中謝伏念臣向者名過其實。食浮於人。兄弟並竊於賢科。衣冠或以爲盛事。旋從冊府。出領郡符。既無片善。可紀於絲毫。

而以重罪當膏於斧鉞。雖蒙恩貸。有愧平生。隻影自憐。命寄江湖之上。驚魂未定。夢遊繚紲之中。憔悴非人。章狂失志。妻孥之所竊笑。親友而於絕交。疾病連年。人皆相傳爲已死。饑寒併日。臣亦自厭其餘生。豈謂草芥之賤微。尙煩朝廷之紀錄。開其惻悔。許以甄收。此蓋伏遇皇帝陛下。湯德日新。堯仁天覆。建原廟以安祖考。正六宮而修典刑。百廢具興。多士爰集。彈冠結綬。共欣千載之逢。掩面向隅。不忍一夫之泣。故推涓滴。以及焦枯。顧惟效死之無門。殺身何益。更欲呼天而自列。尙口乃窮。徒有此心。期於異日。

專就一面說去。唐賢烘託陪襯。比興之法。六朝隱顯離合。斷續之道。毫無存者。然沈雄之氣。高出宋代諸公。姑存以備蘇派耳。

到昌化軍謝表

癸

蘇軾

竝鬼門而東。驚浮瘴海以南。遷生無還期。死有餘責。中謝伏念臣頃緣際會。偶竊寵榮。曾無毫髮之能。而有邱山之罪。宜三黜而未已。跨萬里以獨來。恩重命輕。咎深責淺。此蓋伏遇皇帝陛下。堯文炳煥。湯德寬仁。赫日月之照臨。廓天地之覆育。譬之蠕動。稍賜矜憐。俾就窮途。以安餘齒。而臣孤老無託。瘴癘交攻。子孫慟哭於江邊。已爲死別。魑魅逢迎於海上。寧許生還。念報德之何時。悼

此心之永已。俯伏流涕。不知所云。

紹聖四年。公謫授瓊州別駕。昌化軍安置。遂寄家於惠州。獨與幼子過渡海。○蘇公諸表言遷謫處。淚與聲下。然到底忠鯁無一乞憐語。可謂百折不回者矣。洪景盧因論昌黎潮州表。而軒輊二公。實爲確論。

蘇派佳作

爲崔從事寄尙書彭城公啟

戊

李商隱

福聞雀爵。楊館常懷。寶篋之恩。鸞別張巢。永結雕梁之戀。推誠況物。某有類焉。始者尙書晞髮丹山。騰身紫府。曉趨清禁。則瓊樹一枝。夜直黃闥。則金釭二等。人寰莫見。塵路難逢。而某志在諱窮。勇於求益。輒于皂隸。白露菲葑。寶肆迴腸。只期。和氏。醫門投足。永念倉公。果蒙愍彼顛愚。溢爲題品。勾萌始達。依周囿以揚翹。滴瀝纔分。託靈光而振響。遙輕短羽。驟化窮鱗。每欲陶冶肺肝。耕耘筆硯。粗雕宮徵。以謝陽秋。而義有多塗。情非一槩。辭煩轉野。意密彌賒。雖塗道如韓。遂之書。反覆類葛洪之紙。終無髣髴可得端倪。去歲洛陽。獲陪良宴。頻趨絳帳。累坐青氈。汎聞懇拒台階。請從藩屏。舉郤超之幕。畫數阮瑤之軍書。懸以嘉招。形以善謔。何言違阻。復賀光陰。潼水千波。巴山萬

起便灑然

豐黠之中
獨饒跌宕

義門日後
人行役詩

百頁翻騰
不出此數

語方伯海云
以上極寫

嶂接漏天之露。雨隔嶠冢之煙。霜皓月圓時。樹有何依之。鵲悲風起處。巖無不斷之。猿煎嚮義之初心。軫懷仁之勁氣。竊惟秦鏡當察衛桃。一昨伏承擁節浚郊。建牙隨岸。將求捧弊申好。裂裳就塗。接枚叟之餘光。奉鄒生之末座。又伏慮旋登殷夢。俄奉周畋。徵詔已行。拜塵無及。徘徊失措。鬱悵誰聊。必也華楊長懸。簡書無廢。即割任安之席。堪哂無圖。負田叔之鉗。可嗟非據。伏惟慎安。寢膳勉獲興居。早秉信圭。速調大鼎。至於禱祝。實倍等倫。半菽思貯於神倉。一勺願投於靈海道。云遠更開殷浩之函書。不盡言重灑楊朱之淚。攀戀感激。不知所裁。伏惟俯賜鑒照。

樊南手筆氣焰雖短。熨貼自平。存爲初學程式。固不患於迷途也。

與稽茂齊書乙

呂安

昔李叟入秦。及關而嘆。梁生適越。登岳長謠。夫以嘉遯之舉。猶懷戀恨。況乎不得已者哉。惟別之後。離羣獨遊。背榮宴辭。倫好經迴。路涉沙漠。鳴雞戒旦。則飄爾晨征。日薄西山。則馬首靡託。尋歷曲直。則沈思紆結。乘高遠眺。則山川悠隔。或乃迴颺狂厲。白日寢光。崎嶇交錯。陵隰相望。徘徊九皋之內。慷慨重阜之巔。進無所依。退無所據。涉澤求蹊。披榛覓路。嘯咏溝渠。良不可度。斯亦行路之艱難。然非吾心所懼也。至若蘭茝傾頤。桂林移植。根萌未樹。牙淺弦急。常恐風波潛駭。危機密

行路之難
此云非懼
可以起下之

意調複前

自表立功
中原之致

督司馬氏

哀音促節
宛似陽關
二十八字

發斯所以怵惕於長衢。按轡而嘆息者也。又北土之性。難以託根。投入夜光。鮮不按劍。今將植橘。柚於玄朔。帶華藉於修陵。表龍章於裸壤。奏韶武於聾俗。固難以取貴矣。夫物不我貴。則莫之與。莫之與。則傷之者至矣。飄飄遠遊之士。託身無人之鄉。總轡遐路。則有前言之艱。懸鞍陋年。則有後慮之戒。朝霞啓暉。則身疲於遄征。太陽戢曜。則情劬於夕惕。肆目平隰。則遼廓而無覩。極聽修原。則淹寂而無聞。吁。其悲矣。心傷悴矣。然後乃知步驟之士。不足爲貴也。若乃顧影中原。憤氣雲踊。哀物悼世。激情風烈。龍睇大野。虎嘯六合。猛氣紛紜。雄心四據。思躡雲梯。橫奮八極。披艱掃穢。蕩海夷岳。蹴崑崙。使西倒蹋泰山。令東覆平滌九區。恢廓宇宙。斯亦吾人之鄙願也。時不我與。垂翼遠逝。鋒鉅靡加。翅翮摧屈。自非知命。誰能不憤悵者哉。吾子植根芳苑。擢秀清流。布葉華崖。飛藻雲肆。俯據潛龍之淵。仰蔭游鳳之林。榮曜眩其前。艷色餌其後。良儔交其左。聲名馳其右。翱翔倫黨之間。弄姿帷房之裏。從容顧盼。綽有餘裕。俯仰吟嘯。自以爲得志矣。豈能與吾同大丈夫之憂樂者哉。去矣。稽生永離隔矣。嚶嚶飄寄。臨沙漠矣。悠悠三千路難涉矣。攜手之期。邈無日矣。思心彌結。誰云釋矣。無金玉爾音。而有遐心。身雖胡越。意在斷金。各敬爾儀。敦履璞沈。繁華流蕩。君子弗欽。臨書恨然。知復何云。

呂安。字仲悌。稽蕃。字茂齊。時太祖遂安於遠郡。在路作書與稽康。紹以安父與康同誅。懼時所疾。故移此書於趙景真。考其始末。是安所作。故以安爲定。

孫月峰曰。造語極工。然亦覺堆積而欠靈活。

登大雷岸與妹書

丙

鮑照

吾自發寒雨。全行日少。加秋潦浩汗。山溪猥至。渡沂無邊。險徑游歷。棧石星飯。結荷水宿。旅客貧辛。波路壯闊。始以今日食時。僅及大雷塗。登千里日踰十晨。嚴霜慘節。悲風斷肌。去親爲客。如何如何。向因涉頓。憑觀川陸。遨神清渚。流睇方曠。東顧五洲之隔。西眺九派之分。窺地門之絕景。望天際之孤雲。長圖大念。隱心者久矣。南則積山萬狀。爭氣負高。含霞飲景。參差代雄。凌跨長隴。前後相屬。帶天有匝。橫地無窮。東則砥原遠隰。亡端靡際。寒蓬夕卷。古樹雲平。旋風四起。思鳥羣歸。靜聽無聞。極視不見。北則陂池潛演。湖脉通連。芰蒿攸積。菰蘆所繁。栖波之鳥。水化之蟲。智吞愚彊。捕小號噪。驚聒紛沕。其中西則迴江永指。長波天合。滔滔何窮。漫漫安竭。創古迄今。舳舻相接。思盡波濤。悲滿潭壑。煙歸八表。終爲野塵。而是注集。長寫不測。修靈浩盪。知其何故哉。西南望廬山。又特驚異。基壓江湖。峯與辰漢連接。上常積雲霞。雕錦繡。若華夕曜。巖澤氣通。傳明散綵。赫似

絳天。左右青靄。表裏紫霄。從嶺而上。氣盡金光。半山以下。純爲黛色。信可以神居帝郊。鎮控湘漢者也。若濠洞所積。溪壑所射。鼓怒之所。趯擊湧洩之所。宕滌則上窮荻浦。下至猗洲。南薄蘆瓜。北極雷鰲。削長埤短。可數百里。其中騰波觴天。高浪灌日。吞吐百川。寫泄萬壑。輕烟不流。華鼎振溢。弱草朱靡。洪漣隴蹙。散渙長驚。電透箭疾。穹濫崩聚。坻飛嶺覆。回沫冠山。奔濤空谷。礧石爲之摧碎。倚岸爲之齧落。仰視大火。俯聽波聲。愁魄脅息。心驚慄矣。至於繁化殊育。詭質怪章。則有江鵝海鴨。魚鯨水虎之類。豚首象鼻。芒鬚針尾之族。石蟹土蚌。燕箕雀蛤之儔。折甲曲牙。逆鱗返舌之屬。掩沙漲被草渚。浴雨排風。吹濤弄翻。夕景欲沉。曉霧將合。孤鶴寒嘯。游鴻遠吟。樵蘇一嘆。舟子再泣。誠足悲憂。不可說也。風吹雷飈。夜戒前路。下弦內外。望達所屆。寒暑難適。汝專自愼。夙夜戒護。勿我爲念。恐欲知之。聊書所覩。臨塗草蹙。辭意不周。

明遠妹名令暉。有文才。能詩。見鍾嶸詩品。明遠嘗答孝武云。臣妹才自亞左。勞臣才不及太冲耳。大雷在舒州望江縣。水經註所謂大雷口也。晉有大雷戍。陳置大雷郡。庾亮報溫嶠書無過雷池一步。跌宕適逸。

使東魏值侯景亂與北齊尙書令求還書

甲

徐陵

濤翻浪湧
自具沛湧
盤磚之勢
故非無氣
者所能亦
非直下者
可比

夫一言所感。凝暉照於魯陽。一志冥通。飛泉涌於疏勒。况復元首康哉。股肱良哉。鄰國相聞。風教相期者也。天道窮剝。鍾亂本朝。情計馳惶。公私哽懼。而骸骨之請。徒淹歲寒。顛沛之祈。空盈卷軸。是所不圖也。非所仰望也。執事不聞之乎。昔分鼇命廬之世。觀河拜洛之年。則有日烏流災。風禽騁暴。天傾西北。地缺東南。盛旱坼三川。長波含五嶽。我大梁應金圖。而有亢纂玉鏡。而猶屯何則。聖人不能爲時。斯固窮通之恒理也。至如荊州刺史。湘東王機神之本。無寄名言。陶鑄之餘。猶爲堯舜。雖復六代之舞。陳於總章。九州之歌。登於司樂。虞夔拊石。晉曠調鐘。未足頌此英聲。無以宣其盛德者也。若使郊禋。楚翼。帝非祀夏之君。戡定艱難。便是匡周之霸。豈徒幽王徙雍。期月爲都。姚帝遷河。周年成邑。方今越裳藐藐。馴雉北飛。肅簪茫茫。風牛南偃。吾君之子。含識知歸。而答旨云。何所投身。斯其未喻一也。又晉熙等郡。皆入貴朝。去我潯陽。經塗何幾。至於鐺鐺曉漏。的的宵烽。隔瀨浦而相聞。臨高臺而可望。泉流寶盥。遙憶溢城。峰號香鑪。依然廬嶽。日者鄱陽嗣王。治兵滙派。竈戍淪波。朝夕燼書。春秋方物。吾無從以躡屣。彼何路而齊鑣。豈其然乎。斯不然矣。又近者邵陵王通。和此國郢中。上客雲聚。魏都鄴下。名卿風馳。江浦豈盧龍之徑。於彼新開銅駝之街。於我長閉何彼途。甚易非勞。於五丁我路爲難。如登於九折地。不私載何其爽。歟。而答旨云。還路無